

卷一



十五年壬戌春良輔公陞都水司郎中奉

勅督理河西務至德州河道

賜誥旌獎進階奉政大夫冬改虞衡司提督軍器鞍轡

二局匠作

○按行狀云弘治壬戌春良輔公  
授都水司郎中時河西務德州河道沮塞推公才

能奉

勅并關防委以便宜行事公如制奉行惟謹致使漕

河無滯軍民稱便通前歷任六年考滿吏部奏最

賜誥旌獎進階奉政大夫冬得代回改虞衡司提督

軍器鞍轡

二局匠作



謹按

制曰卿分六曹惟工部為獨煩屬列諸司在正郎為甚重必才行之兼茂斯名績為有成匪慎簡求孰堪委任爾工部都水清吏司郎中商良輔乃故少保吏部尚書兼謹身殿大學士贈太傅謚文毅輅之子學本家傳美能世濟蚤登郎署茂展才猷肆剔歷于三曹實薦更于九任茲承綸命專領川衡官河稱便于往來式勤綜理銓部推賢于考覈益懋操脩屬當慶禮之成預錫褒嘉之寵雖云異數實按彝章茲特進爾階奉政大夫錫之誥命於戲官在明揚簡拔尚需于來效恩當圖報賢勞勿替于初心勉副訓詞嗣膺顯擢欽哉

弘治十八年乙丑秋良輔公復都水司仍奉

勅督理德州至沙河河道又奉

命挑濬彰德大名廣平等處河道

按行狀云弘治乙丑秋良輔公復都水司仍奉勅并關防代轄通政攝管河自德州抵沙河又奉

命挑濬彰德大名廣平等處河道先是六月皇妃船至濟寧時遭水淺阻滯已歷五日一時管河官

負俱畏避無措公獨寓安平鎮公署齋戒沐浴致祭分水龍王祭不移時半空漲水三尺舟遂通行

人皆驚異及

妃船一到累無阻噫非有誠心感格者其能之乎後至正德二年于南旺地方特奏添設二閘自後再無淺患過者甚德之

武宗毅皇帝正德二年丁卯良輔公陞

太僕寺少卿致政歸卒杭州北關



○按鉄泉老友胡公拱辰行狀云良輔公文毅公季子自幼聰敏長承庭訓後潘冬官栗夫遊授壁經作文向法大有過人處潘公奇之年十三補國子生得友天下善士學業超群屢試京闈弗第自成化丁亥迄正德丁卯居仕途四十年餘歷官九任隨在備職至正德二年通歷九年考滿吏部共書稱者二奏最者一例該陞任公願止足之義遂三上疏乞休蒙

武廟軫念前勞特陞太僕寺少卿容致仕

恩至渥也人亦高之不意回至杭州北新關忽染痰症竟弗獲起時十月初六日也距所生景泰乙亥十一月十五享年五十有三計開二司方伯邵公寶蕪憲屈公直憲副邊公憲徃弔啓囊蕭然無可為歛三公嗟嘆者久之平日清廉於此可見嗚呼良輔公鍾山川之秀氣為東南之偉人蕪公而恕明敏而勤本之以問學之充濟之以練達之熟其進

以儒術合乎禮退以恬靜合乎義兩荷

綸音之褒而一靡刑錄之玷况事父兄以孝友交朋友以誠信教諸子以義方待群下以慈惠不作倨傲以尊己卑人不為矯飾以阿世媚俗濟至顯榮克全而歸果何如其人哉子男五長汝晉以邑庠生為興府引禮舍人次汝升以邑庠生仕江右新城縣簿次汝恒益府典膳次汝孚次汝

十一年丙子八月第六曾孫承學公以春秋中式浙江

鄉試

○按譜畧云承學公文毅公第六曾孫汝泰公次子以邑庠廩生領正德丙子鄉薦三十九名嘉靖乙未授懷遠知縣己亥欽取陞江西道監察御史巡視光祿有賢能名從



駕至承天一月未解衣帶克稱  
肅皇帝意庚子正月十五日

賜勅褒嘉進階文林郎并  
贈父母

○謹按

勅曰君子抱潛德之光以開大其後教忠之績積累  
惟艱迨子既成立而先棄去非朝廷下卹典以追  
崇之何以慰其子之深哀哉爾尚汝泰乃少保吏  
部尚書兼謹身殿大學士贈太傅謚文毅輅之孫  
翰林院侍講良臣之子今江西道監察御史承學  
之父夙負英資克昭純德居仁由義履素安貞倘  
律泌水式成避世之賢博涉群書不負傳家之教  
可謂古道逸民清脩吉士矣且積功累仁慶延令  
子為朕聞臣大著明蹟夫何壽不稱德中道隕捐  
茲以

郊享章恩特贈爾為文林郎江西道監察御史服茲顯

勅曰臺諫耳目之司朕之聰明寄焉所以開四門宣

壘塞典憲貞度以淑於治蓋非清忠鯁亮之賢志  
私保公之士不克當是任爾江西道監察御史商  
承學名臣華胄家學淵源馳譽賢科宣猷名邑實  
能振起疲敝廣布慈仁要在平定安集而不為繁  
政卒之良細真安豪強斂跡政成之餘上下孚信  
庶幾弦歌頌頌因劾薦遂擢內臺爾亦老成明練直  
聲著聞可謂不負爾家教當古循良為真御史矣  
茲特進爾階文林郎錫之明命爾尚振舉風裁克  
終偉志益隆匡弼之風副朕崇  
階之注以繼爾前聞人休欽哉

十四年己卯嚴州府太府王公雲申詳巡撫巡按言

文毅公宜奉入本府鄉賢祠致祭蒙撫按上奏奉



聖旨可

○按嚴州府誌云正德十四年知嚴州府事太府尊王公雲以商文毅公功在

社稷澤在生民宜奉入本府鄉賢祠享歲時之祭申言於本省巡撫都察院及巡按御史荷蒙撫按即行上奏

朝廷允之是以至今得與漢之嚴子陵光唐之李德新頻方華飛于宋之江民表公望黃新之松方君錫逢辰等同享春秋二祭

世宗肅皇帝嘉靖四年乙酉淳安縣大尹姚公鳴鸞申言

商文毅公禮宜配享朱文公商良臣商良輔並宜奉

入鄉賢祠歲時致祭蒙撫按轉奏

皆允之

○按淳安縣誌云淳安之有文公朱夫子祠乃前二仁宗延祐六年縣尉鄭君于齡所創也歲遠傾圮嘉靖四年姚公鳴鸞初知淳安縣事輒更新之因而申詳軍門察院言商文毅公以

昭代三元兩朝元老其名與功固垂不朽者

國家之報之亦宜永永也本縣朱文公禮合以之配享又其冢嗣侍講商良臣次子太僕寺少卿商良輔各嘗効勞於

國有在翰苑二十年者有歷官九任居仕途四十年者忠勤至今猶在人心宜奉入本縣鄉賢祠致祭蒙軍門察院依擬轉奏

朝廷各從其請以故父子三人得並享春秋祭祀



今皇上萬曆二年甲戌春浙江分巡抗嚴道徐公 批發

官銀二十兩脩葺文毅公塋垣

○按萬曆二年春二月文毅公曾孫承忠以御塋墳塋傾圮無力脩葺徑詣杭嚴道徐公臺下具呈蒙徐公准行即移文仰縣踏勘回報甚盛德也知縣事陳公若璉即忠越訴止報費二十金遂僅得此數聊且築砌焉今則又敗壞傾圮之甚視甲戌以前殆大不相侔矣

十三年乙酉秋第六世孫商之相以易經中式浙江鄉

試

○按之相字翊時號調陽萬曆改元癸酉滕宗師選補壽昌庠生乙酉領鄉薦五十一名丁未授福建

建寧府節推庚戌奉

勅階文林郎并

贈父母辛亥陞廣東羅定州知州乙卯奉

誥階奉直大夫并

贈父母丙辰陞廣

東雷州府同知

○謹按

勅曰朕惟飭吏以儒教思在父邁教不及其而提貽哲在初作室自始則儒而式毅者之效也爾生員商振邦乃福建建寧府推官之相之父學窺道與動秉儀程宅心醇和有道人倫之度樂善施予汝南月旦之推賢闕之志本皆構庭之基已諒是用贈爾為文林郎福建建寧府推官欽承二命用慰九原

勅曰理官之設寧惟最重而最善者賴其善平即部使者庶察吏治寔藉其非無剛柔之路未易理矣



爾福建建寧府推官商之相清操推度卓識宏猷  
掄秀于鄉司事一郡能察微仁恕民無冤滯之  
聲輪成簡安吏無奸詭之虞屢登薦最之剡庶幾  
淑問之遠是周校一階吏林即錫之勅命夫建州  
舊稱海濱新聲有能刑以弭教朕將俾粵海沐爾  
教化也權刺史羅定矣其益懋異治以暢遠猷欽  
哉

謹按

制曰昔稱子產循吏為衆人父而衆父之父可無念  
乎錫類有章朕亦敢勸爾生員贈文林郎福建建  
寧府推官商振和乃廣東羅定州知州商之相之  
父直道提躬誠心應物敦書說禮雄文振藻于膠  
庠義苑施仁通德著稱于閭里數備途之促轡遺  
恨過而事惟室之肯堂流光分虎是用加贈爾為  
奉直大夫廣東羅定州知州龍章海耀于元原  
饗流美于百世

制曰川牧分符綰組秩亞二千石任亦重矣矧瀧水  
控扼要地綏輯尤難非得卓犖長材烏能勝任而  
愉快乎爾廣東羅定州知州商之相淵源家學琬  
琰國華權俊賢書明刑望即平反著譽師帥攸濟  
而爾才益練于運斤操彌堅于茹蘗蠹藪清而一  
庭秋肅歲澤溥而四境春溫窮簷興禮禱之謠箏  
落化刀劍之俗所司以最績上聞茲特授爾階奉  
直大夫錫之誥命朕慕古賢主錄刺史姓名昇聞  
興臥對之蓋慮剖竹數千里外其治狀難于畢達  
也爾無以爾州為遠朕視之猶在階陛矣尚益展  
鴻猷以收後効  
嗣有顯陟欽哉

十四年丙戌夏浙江巡撫都察院溫公純給穀五十石

○按萬曆十四年夏五月知淳安縣事父母鍾公文  
瑞奉巡撫浙江都察院溫公純明文給付商文發



公裔孫稻穀五十石  
以為脩葺祠宇之需

十九年辛卯夏浙江巡撫都察院常公居敬給穀十五

石

○按萬曆十九年夏五月署淳安縣事嚴州府二府  
尊危公以平奉巡撫浙江都察院常公居敬明文  
給付商文毅公裔孫稻穀一十  
五石以為祠宇歲時炷香之需

二十三年乙未冬嚴州府太府陳公經濟發禮銀五兩

致祭文毅公

○按萬曆二十三年冬十月知嚴州府事太府尊陳  
公經濟心切仰止實欲躬謁芝山元輔宗祠懇請

繁湖州府第及親造乃發銀五兩  
看知淳安縣事吳公天洪代祭焉

二十五年丁酉秋第六世孫商之彛以書經中式浙江

鄉試

○按之彛字彛冲號望原生隆慶戊辰十二月十五  
日午時萬曆十二年甲申年十七警庸林宗師選  
補淳安邑庠生二十五年丁酉與偕周祚同領浙  
江鄉薦第五十二名聯赴春闈七科四十四年丙  
辰以親老選授福建延平府南平縣正丁巳四月  
到任戊午本省同考冬因士民呈留撫按會

題免覲養押水口鹽運分司庚申考滿奉

勅階文林郎并

封父商振倫如其官

贈母徐氏為孀人



封妻徐氏孺人 晉任天啟元年辛酉八月因周祚巡撫閩  
中具申撫按會

題迴避本年十月陞四川蓬州知州壬戌三月到英爽

覃恩進階奉直大夫時值永寧宣撫司叛首奢崇明

奢寅父子猖獗都院檄委總督新寨子牟尼驛赤水

衛等處餉務叙功疏稱本官理餉收支勞瘁督師斬

賊功高謀陞馬湖府知府監軍督餉致來婦口中傷

丙寅左遷湖廣沔陽同知仍管州事值 惠 桂二

王之國經臨參署勤勞崇禎元年戊辰轉直隸松江府

同知管水利通判事八月到任己巳三月丁外艱辛

未叙平奢功叙 部院會

題以原官加服齊三級遵道起用本年服闋請告庚辰

五月十六日戊時卒

順治三年丙戌秋第八世孫商民宗以書經中式浙江

### 鄉談

○按民宗字岱瞻號長公係之彞第五子德協長子

生天啟七年丙寅九月二十日戌時崇禎癸未年

十八蒙宗師王諱應華歲考取補淳安邑庠生順

治三年丙戌秋年廿一領浙江鄉薦第五十七名



封妻徐氏孺人... 中具申撫按會

題迎避本年十月陞四川蓬州知州壬戌三月到任

軍恩進階奉直大夫時值奉寧宣撫司致商...

喬寅父子... 衛等處餉務...

職功高謀... 丙寅左遷湖廣...

王文因... 同知營水利...

未叙... 以原官加服...

五月... 日戌時卒

治三年丙戌... 第八世孫商氏...

以書經中式浙江

鄉談

○按民宗字... 瞻號長公係之...

生天啟七年... 丙寅九月二十日...

十八蒙宗師... 王諱應華...

治三年丙戌... 秋年廿一領...

浙江鄉薦... 第五十七名

...

...

...

...

...

...

...

...

...

...

...

...

...

...



二十五年丁酉秋第七世孫商周祚以詩經中式浙一

鄉試二十九年辛丑春中式會試

○按周祚原名國祚字明兼號等軒以紹興府會稽縣附學生共之彛同領浙江鄉薦二十八名辛丑

會試第三名改名周祚廷試三甲乙百九十一名都察院觀政壬寅十月授印武縣正丙午本省同

考戊申五月擬禮部主政行取壬子十月授戶科給事癸丑巡視光祿甲寅冊封徽府乙卯巡視

皇城丙辰巡青己未分考禮闈十一月陞太僕寺少卿庚申陞都察院僉都御史巡撫福建章恩進階

中議大夫贊治癸亥調南別衙門乙丑起南兵部右侍郎兼都察院右僉都御史提督兩廣軍務

丙寅陞南工部尚書戊辰陞南兵部尚書本年特予終養丁丑起都察院左都御史戊寅陞吏部尚書



已卯丁内艰

四十六年秋第七世孫商周初以詩經中式南京鄉試

崇禎元年戊辰中式會試

○按周初號謚軒行謙六以國李中式南京鄉試崇禎戊辰會試第...名廷試第三甲第...名

政...授河南高城縣正...考選擬戶科改兵

科...事中...陞整饬海南道兼輯瓊州府李

廣東按察司僉事丁丑陞直隸常鎮兵備道湖廣

布政司參議已卯丁母憂




年譜

四卷

十九

元





賈辭

嶻嶭其貌氣充裕兮肅肅其容神瑩澈  
兮詩書旨味肆沉潜兮仁義膏腴恣厥  
飫兮花封贊政沛惠澤兮松徑歸來樂  
幽閒兮保合泰和臻壽考兮篤生內相  
匡

盛代兮霖雨蒼生社稷臣兮

章煌煌承

寵光兮慶延孫子聯

玉署兮積善之報斯昭昭兮丹青者誰得

其似兮陰隲冥冥匪天其孰知兮

資政大夫禮部尚書鄉生姚夔拜贊

又

其神之清也凜乎雪嶺之長松其氣之  
和也藹乎蘭谷之春風望之而可畏吾  
見其容儀之盛即之而可親吾知其德



性之冲狂則登仕以行其義老則歸休  
以養其中惟德之豐後世之隆篤生賢

嗣寅亮

天工

鸞誥寵章恩荷

九重之錫朱衣象簡秩進二品之榮噫此

所謂積善有餘慶而垂裕於無窮者耶

太子少保兼兵部尚書南宮白圭贊

商文毅公

母夫人解氏小像





年譜  
卷之四  
賁辭

於戲九原可招夫人之英百世不泯夫  
人之名俛懷素操月白霜清逝流慶源  
子貴孫榮嗟夫家人之義女治乎其內  
夫人豈幸而獲萃也耶蓋誠則形形則  
著殆猶玉蘊山輝珠藏川媚柳又評曰  
孟母卜隣佩母延賓允矣夫人同一慈

仁

資政大夫都察院左都御史嘉興項忠書  
又

猗歟商母飭躬有則柔靜而莊君子之  
特服勤於家閔惠惇娶是爲女士福履  
康之其福維何子爲內相祇事

三朝忠誠弼亮

國有令典貶封其親以彰篤教以勸邦鄰  
命服煌煌乃德之美矧曰遐年黃髮兒齒



光榮壽考世鮮與儔歸全之日聞者涕  
流哀榮始終備膺休祉尚庇後來其永  
無已

中順大夫詹事府少詹事兼翰林院學士  
經筵官同脩

國史莆田柯潛拜書

商文毅公  
夫人盧氏小像





賞辭

滿須歸遠費

戶部尚書

貞靜柔嘉得乎天賦之厚勤儉在肅由  
於母教之成作配君子垂範閨門處貧  
富無欣戚之意遇窮晦有先見之明煥  
若絲繒屢出

兩宮之賜儼其冠服式彰極品之榮福祉  
駢集時鮮與京懿美攸萃稱述難名是  
宜昭布簡冊而垂耀無窮也

廣陵蔣琬贊

定西侯

其顏肅雍其德柔順

當代之偉人際

明廷之景運

鳳誥攸寵翟車以朝

坤寧之冊慶聽動天之雲韶教子衆賢與  
翁接跡繼列女之芳馨寔閨門之矜式



者天

杭郡鄒幹贊

禮部尚書

貞靜深嘉女德之殷孝愛恭儉婦道之  
敦行慈惠於宗黨謹禮則於閨門熊藥  
資勤教子檀三長之譽雖為警寐相夫  
登八座之尊

鳳詔寵章珠翟魚軒每朝謁於

宮畫累拜受乎

天恩此其積慶之厚而膺福之繁也儼遺  
像之在堂昭懿範以永存

鳳陽趙輔贊

武靖侯

性柔慧而端謹質婉婉而順從涉獵之  
書板逸大家之轍務勤女事師服太如  
之風其羞饋祀有南國夫人之賢而始  
終一致朝發夕奠則非人之所能供也  
其事舅姑有崔唐夫人之孝而間闈萬



里左扶右持則非人之所能同也堂堂  
夫子為

國名公致

君堯舜接武夔龍然內無所顧克濟厥艱  
而率殫篤棊之忠者夫人贊襄之功也  
皎皎鳳毛學有所宗青雲趾美

王署雍容然編摩詞館遠探近討而上追

良史之蹤者夫人教育之隆也珠冠玉  
福霞帔春融或朝

東朝或謁

中宮荷百朋之駢錫侈二品之褒封此  
人千載之逢也雖其壽不滿德為可恨  
而可恫抑彼蒼之靳其年未既者將以  
啓其胤嗣於無窮姆儀未墜婦道攸崇  
載瞻懿像疇敢不恭



周文毅公仲子良臣公承像



賁辭

質偉而英以篤實成操高而貞以碩本  
行才辯而明以謹默勝是以處盈滿而  
不見其盈蓋將致遠大而未當其情雖  
忠義之誠少樞於

經恆藤鑑之識小試於文衡然人方計其  
寸絲之累而孰適尼其萬里之程嗚呼  
斯人也豈其敦龐之氣下厭漓俗晶明



之性上歸列星然香又安得而騰諸冥  
冥也耶

奉直大夫右春坊右諭給事

經筵官備

國史同年陸簡贊

又

氣和而端德寬而重學擅家傳才是世  
用

經帷答沃翰苑侍從玄成于漢祖禹于寧  
千里之駒九苞之鳳才進而止匪幻無  
夢彼蒼弗弔斯文一慟噫

翰林院學士奉政大夫

經筵講官同脩 國史纂

太子講讀友生倪岳贊

又

德量宏深氣稟凝重出今族而持已難



謙登甲科而進學愈異其言其館高才  
道配乎馬班勸講

經筵大義教陳身周孔人合其世祿之傳

芳士望其相業之繼漢魏謂一疾而遽

亡埋玉足山之荒隴也

翰林院侍講脩

國史兼

經筵官年末李傑贊

書

先太傅文毅公年譜後

倫不天一歲兩月輒失怙幸賴先世遺蔭惡知凍餒

苟延喘息日惟忡忡若墜淵是懼既弱冠僅博一第

子員迫三十四頗知有玷於前人亦初何心往事

哉惟由五十將六十萬曆丁酉適長即之葬得沐賢

書猶為不過士人分內事耳而邑父母郡太父母撫

按三司諸名公鉅卿咸各獎與羨賞以至閭閻之下



眷屬朋儕之衆莫不相與走賀不置倫始一旦恍然

悟幡然悔曰有是哉然則吾仲父考侍御公捷于正

德丙子伯祖考藩叅公捷于弘治己酉曾祖考侍講

公聯捷于天順壬午高祖考文毅公聯捷于宣德乙

卯俱在九科之內定不出三十七年之外者不亦迥

異也耶自正德丙子至萬曆丁酉則又造三九二十

七科之期九九八十一年之數不其尤異而異也耶

雖萬曆乙酉佳之相亦既高捷而其身與籍則隸壽

昌非淳安以脉絡言固若相流貫以封疆言不免於

界限更不覺憮然太息以為是可以易言也與哉况

文毅公膺商氏來家五百年方發一魁是又可以易

言也與哉緣啓祖貽舊筭得我文毅公遺行集奏疏

畧寵嘉錄壽詩集怡老堂集黃閣清風詩集家譜畧

諸刻及言行錄與夫詩文序記之未刊有反覆披閱

獨年譜缺焉若有待者迺編質之耆舊博詢之世戚

按其年考其事彙為四卷嗟夫實錄之藏於金匱石



室者無繇觀已掇拾嘉言善行之遺僅僅此爾且生于百三十餘年之下敢妄擬乎百三十餘年以上耶  
伏惟

英廟臨軒策士親權我文毅公第一未幾即  
命進學東閣務期大用至遭土木之變

景廟嗣登寶位特召叅預機務又獨遣迎於居庸

英廟復識之曰商輅是我取的狀元

命草詔稱 旨頻賜酒果馬匹既而復

正大位又首召諭之曰好生用心辦事我要用你及

憲廟御極隨命召取復相十年而信任之篤眷注之隆比  
之

英

景二廟尤加是歷事雖更

三朝而得

君如出一致良以我文毅公忠誠體

國初不以夷險易心所以



君之禮之亦初勿貳此其

君臣遇合照耀後先屹屹乎真無愧于古明良之契一德之交者倫爰是不揣鄙陋輯成斯譜自初生一歲以迄終壽七十三歲上而父祖二代以公

封贈下而子孫孫子以公蔭庇咸載靡遺

誥勅必錄昭

君恩也

錫予必錄存

君惠也士夫序賞記文間錄紀見知之真耳自製詩文序序間錄闡著作之勤耳論思之益入告之猷罔不畢具表忠悃之寔也力救言官掄薦詞臣舉皆備書著有容之度也贊復

景皇徽號之必詳非以謹則稱

君乎䟽毀玉皇樓閣之必悉非以引

君當道乎屢卻

萬妃之餽則錄見無阿附之一節也䟽祭



紀妃以禮則錄見為慮後之一端也其他革冗員樞流移  
活無辜濟貧困禁抑內史不許侵占民地不與旗校  
從行斥逐汪直不容專擅予奪不得轉寄耳目凡所  
以福生靈而佑善類全黎庶而鋤奸雄勵治化佐  
理泰平者不一而足何其偉歟蓋其直方剛果稟之  
天者既厚而玉潔冰清操之已者尤堅是以遇當  
重熙累洽之朝而能輔成正大光明之業進不失忠退  
不失行是啓之者天也際之者時也而成之者實

英

景

憲三皇知人之明不可誣也不有

三皇之能哲而任之不疑則我文毅公縱兼三不朽之全  
如當日丘文莊公所稱亦終泯滅無以表見矣信矣  
哉有一代之

君必有一代之臣

君不虛王臣不虛貴君子于此當為之三復願觀斯譜者



觀我文毅公始生于芝山之郡中閑于芝山之里終  
卒于芝山之麓并其間二十年餘翊贊

列聖功在

社稷澤在生民者之大畧云爾若夫生平履歷備嘗則  
遺佚於世遠人亡不可勝計宇內

達觀君子儻遠心前脩矜憫愚昧知我文毅公梗槩肯

勿吝教

倫

雖衰朽無似猶能不忤匍匐以請傾耳拭目

以領焉

萬曆歲在丙辰冬十月中浣日玄孫振倫謹書

皇明三元太傅商文毅公年譜卷之四終









卷五